

柳州府志卷之三十九

紀事

史紀治亂得失以垂法戒郡志即史也故稗野所載耆老所傳不必盡屬柳郡實無一非關柳郡者自秦漢至元明事雖凌雜不可無紀况柳當明之末造賊梳兵篋谿崗獠狔乘釁猾夏所過殘滅邱邑為墟是亦此地一大滄桑也幸逢

聖王御極景命維新

天戈所麾蠻夷率服海隅出日悉主悉臣以迄於今蓋

柳州府志 卷之三十九 紀事

天下之平久矣夫攷累朝之遺蹟資來葉之見聞表

昭代之隆規作邊疆之籌畫俾後之為政於茲土者知與治同道固不得與亂同道固不失則即以郡志作史觀也可志紀事

秦

始皇二十五年命王翦畧定越地

三十三年遣任囂趙佗擊南越平之置南海桂林象三郡



二世元年南越尉任囂病且死召龍川令趙佗行尉事

漢

高帝元年南越尉趙佗自立為南越武王

十一年五月遣陸賈如南越佗降封南越王

呂后五年南越王佗自稱南越武帝

文帝元年使大中大夫陸賈馳書南越佗去帝號復臣漢

武帝元鼎五年越相呂嘉反立術陽侯建德為王

柳州府志

卷之三十九

紀事

二

殺漢使韓千秋等遣伏波將軍路博德樓船將軍楊僕帥師擊南越六年冬討之

東漢

建武十七年遣伏波將軍馬援征交趾平之

和帝永元十三年秋八月詔象林民失農桑業者賑貸種糧稟賜下貧穀食十四年七月詔復象林縣更賦田租芻橐二歲十五年舊貢生龍眼荔枝十里一置五里一候晝夜傳送臨武長汝南唐羗上書曰臣聞上不以滋味為德下不以貢膳為功



伏見交趾七郡獻生龍眼等鳥驚風發南州土地  
炎熱惡蟲猛獸不絕於路至於觸犯死亡之害死  
者不可復生來者猶可救也此二物升殿未必延  
年益壽帝下詔曰遠國珍羞本以薦奉宗廟苟有  
傷害豈愛民之本其勅大官勿復受獻

安帝元初三年春正月蒼梧鬱林蠻反遣侍御任  
連討平之

靈帝建寧三年鬱林太守谷永招降烏滸蠻開置  
七縣

吳

孫權嘉禾三年以兵久不撤民困於役其寬諸逋  
勿復督課

赤烏三年民饑詔開倉廩以賑貧窮

晉  
武帝太始七年

出今年戶調

太康元年平吳除其苛政將更渡江復十年百姓  
及百工復二十年



隋

文帝開皇九年以江表初平給復十年其餘諸州並免當年租賦

唐

高祖武德七年詔揚越之民新沾大化見在民戶給復一年

太宗貞觀元年免民逋租

憲宗元和八年九月詔曰比聞嶺南五管並福建黔中等道多以男口餉遺及於諸處博易骨肉離

柳州府志

卷之三十九 紀事

四

析良賤難分此後嚴加禁止如違長吏必當科罰十年刺史柳宗元至郡凡男女相質不得贖者以傭除本悉奪歸之

宋

太祖開寶四年二月廣南平辛卯大赦免二稅三月丙申詔廣南有買人男女為奴婢轉傭利者並放免偽政有害於民者俱以聞除之四月詔禁嶺南商稅鹽麴如荆湖法八月遣使廣南東西路疎決繫囚犒勞軍校父老訪民間便宜十月辛卯除



廣南舊無名配歛

景德四年十月詔宜柳象州懷遠軍死罪以下非十惡謀故鬪殺官吏枉法犯賊者並原之廣南東西路雜犯死罪以下遞減一等脇從受署者勿理又蠲宜柳象州懷遠軍丁錢及夏秋租仁宗寶元元年除宜融州夏稅

景祐二年詔諸路緡錢歲輸京師錢重貨輕福建二廣易以銀江東以帛錢流民間

皇祐四年冬十一月詔免廣南民供軍需者本年

柳州府志 卷之三十九 紀事

五

秋租十之三

皇祐中詔廣西賦布匹為錢二百訪聞有司擅損其價重困遠人宜今復故

元豐二年七月以提舉廣西劉誼言減歲役錢一千二百餘緡

哲宗元祐元年四月尚書省言遠方奏讞待報淹繫甚衆請川廣福建荆南路罪人情輕法重當奏斷者申安撫或鈐轄司酌情決斷訖奏從之高宗建炎三年八月減廣南歲上供銀三之一



紹興二十五年四月減廣西路折米錢  
淳熙十一年十一月助廣西諸州歲計十萬緡  
理宗寶祐六年五月丁巳李曾伯言廣西多荒田  
民懼增賦不耕乞許耕者復三年租後兩年減其  
租之半守令勸墾闢多者賞之奏可  
景定元年詔全岳永衡柳象等州縣經兵農民失  
業開慶以前二稅盡除之  
元

世祖至元十七年詔覈阿里海牙所俘戶悉放為

柳州府志

卷之三十九 紀事

六

民時阿里海牙下荆南江西廣西海南之地及崗  
夷山獠俘獲三萬餘人悉為奴婢自置吏治之責  
其租賦命行臺御史大夫相威檢覈之放為民  
元貞二年秋七月廣西兩江道饑賑粟有差  
大德十年三月柳州民饑給糧一月  
泰定元年免兩廣諸州差稅一年  
泰定三年十一月己亥以廣西靜江象州諸路饑  
並賑之

明



洪武元年征南將軍廖永忠率師取廣西至梧州降元達魯花赤拜住潯柳諸路皆下遣朱亮祖會楊璟收未下州郡永忠引兵克南寧降象州廣西平先是元平章阿思蘭敗於全州率其餘將退保象州及永忠兵至思蘭勢窮降

詔蘭以權往諭兩江谿峒廣西衛鎮撫俱以兵從會來賓峒蠻寇掠楊家寨以權擊破之諸蠻震服詔免逋租

二年中書省臣言廣西諸峒雖平宜遷其人入內

柳州府志

卷之三十九

紀事

七

地可無邊患帝曰溪洞蠻獠雜處其人不知禮義順之則服逆之則變未可輕動惟以兵分守要害以鎮服之俾日漸教化數年後可為良民何必遷也

十五年八月設科取士

三年開科六年罷是年復設

十二月命

儒學歲貢生員

十七年令科舉薦舉並行

十八年初設屯田

十九年設柳州守禦千戶所



二十一年諭安陸侯吳傑領柳州衛兵千人從都督楊文討龍州土官趙宗壽宗壽伏罪乞罷兵詔文移兵征奉議南丹

永樂元年柳慶潯諸蠻殺掠吏民征南將軍韓觀請討之

三年桂柳潯蠻作亂已撫復叛遣都指揮朱輝以偏師破之歸所掠人畜器械

四年詔韓觀大發兵討安南柳潯諸蠻乘觀出復叛

五年觀旋師抵柳州十月以貴州兩廣兵由柳州攻馬平來賓諸縣皆破之會兵象州復進勦潯州諸屬詳見名宦

二十一年三月己巳都指揮使鹿榮討柳州叛蠻平之

宣德元年柳州獐首韋故曉等歸附

二年廣西三司奏柳慶等府賊首韋萬黃韋朝傅等聚衆劫殺為民害勅總兵官顧興祖進兵勦平之



四年征蠻將軍山雲討平柳潯蠻

正統五年詔減官田賦額十之三

景泰六年融縣鄉官秦應奏賊占拋荒田土貽害里民冬詔委官勘實蠲之

天順五年豁郡縣無征糧

八年減皮張翎毛藥材等供之半著為令

成化元年命都御史韓雍督師討大藤峽賊平之二年減各州縣土貢之半

四年免鹽鈔有差災傷去處戶口食鹽俱免輕者

柳州府志

卷之三十九

紀事

九

減半

正德十六年十一月罷廣西香貢仍遍諭各處鎮巡守備官凡額外之征皆罷之初中官鎮廣西者歲以零陵香進費至二千金武宗即位詔却諸獻而廣西征香貢如故至是布政使王啟等請并罷詔從之

馬平五都魚窩賊叛太守劉璉死之事詳馬平徭  
撞

嘉靖二十六年春知府王三接命柳城知縣劉鳳



復立里廂堡彈壓諸蠻

三十四年兵巡道陳紹儒命柳城知縣邱雲霄築外羅城禦賊

隆慶三年右江諸徭獠復亂巡撫郭應聘請給餉勦除給事中梁問孟以賊黨衆不可盡滅宜令守臣熟計兵部言府江自正德十二年征討之後六十年而右江北三北五等巢素未懲創生齒日繁遂肆猖獗頃者大征古田各巢咸懼獨府江右江恃險為亂若復縱之非惟無以固八寨懷遠之招

亦恐啟古田攜貳之漸勦之便但兵在萬全宜即以科臣所慮備行提督殷正茂巡撫郭應聘等便宜行之應聘遂檄總兵官李錫等將兵往討以捷聞五年裁減巡檢司弓兵

每司留五名  
餘銀充餉

萬歷二年行條編法

三年築維容城柳城知縣余光裕重修外羅城六年免征驛夫銀一年仍減額銀著之令甲先是巡撫吳文華檄驛傳羨羸逋負議捐額以甦合省俱得免征一年自是歲征亦減舊額十之一



十四年六月賑柳州饑

十九年四月築懷遠城

三十三年罷稅鹽

四十六年發倉粟賑民轉糴於廣東是年大旱柳慶潯梧皆無收諸郡饑死枕藉流離自鬻者無數梧州知府陳鑑盡發倉穀平價於民又以價轉糴東省相濟民賴全活  
泰昌元年十一月詔免各州縣新餉稅課所設盡免

天啟三年革里甲雜派先是蒼梧知縣梁子璠蒞任以里甲額編四差款項具備又有新官上任過客供帳往來夫役皆當年里長出派病民乃逐一裁去其應用者官發銀買或借應仍申請榜禁永為定例又櫃頭庫史誌書硃燭紙劄一切供應皆革除至是柳屬俱禁止焉

崇正元年誅逆璫詔至

停紳衿優免充餉

六年徵民房間架稅



九年賣閒曠官地收價修城

十年加編勦餉時流寇漸熾各省增設督鎮官兵  
勦禦每石米編銀二錢

十七年三月李自成陷京師我

大清世祖即皇帝位是為順治元年

二年八月明總督丁魁楚逆擊靖江王於府江敗  
之靖江王亨嘉宗藩疏屬狎昵群小聞南京破謀  
僭號脅總兵楊國威留守桂林檄思恩叅將陳邦  
傅假以總兵會於梧州東畧羊城丁魁楚聞閩已

柳州府志 卷之三十九 紀事

十三

立唐王隆武遂逆擊王於府江邦傅聞王敗乃合  
督府兵謀擒靖江王請先殺鄉人孫金鼎事平魁  
楚晉爵平粵伯邦傅封富川伯

三年九月

大兵破汀州總督丁魁楚巡撫瞿式耜等奉永明王  
由榔監國以肇慶為行在偽號永歷福建輔臣蘇  
觀生等立隆武弟聿錫於廣州偽號紹武各治兵  
相攻十二月

大兵破廣州執聿錫內侍王坤趣王西走式耜趨赴



王王已越梧而西

四年二月王由平樂潯州奔桂林式耜從魁楚退走岑溪出降平樂失守王大恐會武岡總兵官劉承允兵至全州王坤請赴之式耜諫不聽乃以式耜及總兵官焦璉留守桂林趨承允軍武岡破王由靖州走柳州道出古坭總兵官侯性太監龐天壽帥舟師來迎大雨饑餓性供帳甚備九月土舍覃鳴珂作亂大掠城中午及王舟式耜復請還桂林十一月

柳州府志 卷之三十九 紀事

三

大兵自湖南逼全州式耜偕何騰蛟拒却之已梧州復破王方在象州欲走南寧以大臣力爭乃於十二月還桂林初靖江王之謀僭號也柳郡豪猾及蠻魁獍盜皆受偽職馬平舉人龍文明自為守道羅城狼兵將覃遇春自為都督聚眾萬餘攻陷柳融羅懷等邑復領式耜餉招軍逗遛不進式耜密檄文明擒斬之其子覃鳴珂報父仇糾集猺獍攻城居民盡被殺掠文明遁免後聞援兵至始散去板江賊亂賊首余啟泰自稱總鎮於懷遠縣建署



征糧收稅時永歷知縣俞忠衮被其鎖禁百姓咸被害

五年二月偽南安侯郝永忠至桂林初王將返桂林城中止焦璉軍騰蛟率雲南援將趙印選胡一青入為助永忠忽擁眾萬餘至與璉兵欲鬪盡破水東十八村殺戮無算與式耜構難會偽宜章伯盧鼎兵亦至式耜騰蛟力為調劑乃遣璉永忠鼎印選一青分扼興靈諸州縣

大兵前驅至靈川永忠兵潰入桂林挾王走柳州遂

不用命王乃往南寧七月永忠往靖州所過殘破人民逃匿柳城民避落崖巖內永忠兵縱火薰之死者一千零八人與元末被兵一千零七人二大墓俱在河側八月王自南寧至肇慶

七年正月南雄破王懼走梧州二月馬進忠自廣南大村往南太三月高必正李來亨由慶遠至大溶江過永從懷民避兵無寧日九月全州破偽開國公趙印選居桂林偽衛國公胡一青守溶江與偽寧遠伯王永祚皆懼不出兵



大兵入桂林瞿式耜及總督張同敞死焉王聞報大  
恐自梧州復奔南寧先是式耜檄印選出不肯行  
再趣之則盡室逃與胡一青及武陵侯楊國棟等  
俱奔柳州搭浮橋於南門下分道劫掠居月餘渡  
河走賓州

八年春正月定南王孔有德遣總兵綠國安率  
大兵入柳州四月始開征八年分糧七月懷遠木樟  
賊潘志乾作亂殺知縣胡景賢十月定南王至柳  
州閱兵

柳州府志

卷之三十九

紀事

十五

九年七月偽晉王李定國遣其將楊割鼻攻陷柳  
州

十年九月定國率兵至柳與民分田而耕為久屯  
計派征浮糧又拆屋為橋一夕忽焚橋走偽將王  
馮二人自慶遠奔至復疊橋公廨民居殆盡先是  
定國之變土賊蠱起一都獐楊梅村覃扶洪潭村  
韋文忠六都獐溷村覃富強與忻城莫土官等各  
統衆焚劫有賊梳兵篋之謠

十一年偽秦王孫可望遣將領兵萬餘由靖州至



柳州追攻李定國經過縣邑搶掠一空

十二年免十年十一年分未完糧

十三年溫如珍陣斬土賊龍韜先是羅城土目龍韜自稱為義寧伯盤踞柳慶二府征收糧稅橫肆劫掠羅城知縣許鴻儒駐防副將沈邦清俱被害官兵進勦不克攻陷柳州留賊目賈守昌全綸駐守桂林副將率兵至命如珍協勦陣斬之守昌綸聞之先遁歸柳城穿龍寨復圍攻之綸死守昌率妻子降至柳殺之並勦各都獍賊柳州平賊黨龍

祈龔瑞逃至懷遠復肆掠

免十二年分未完糧又諭百姓墾荒田官給牛種十四年九月右翼鎮總兵官全節鎮柳州招來逃散乃作民居始有寧字

康熙元年陞南寧總兵官馬雄為本省提督駐柳

州

五年十月楚妖李癩子作亂犯懷遠知縣向大觀申詳請討提督馬雄發前營副將蔣桐等領兵以右江道戴璣監紀軍務駐板江之後斬殺數千人



生擒數百人遣典史倪賓日解赴京

十二年冬滇逆構禍孫延齡殺其都統佐領以附  
逆巡撫馬雄鎮密檄提督馬雄潛師會勦雄遷延  
不至因蠟疏具狀遣子世濟世永間道入京乞師  
延齡訶知一夜發兵圍撫署脅以死啗以爵皆不  
為動因羈繫以邀其從延齡受安遠公偽號尋封  
主檄令提督馬雄投誠雄却之

十三年五月延齡率兵下柳州至東泉染疫還提  
督馬雄差官至總督處請餉歸遂叛七月差官由

懷遠進表於吳三桂雄與延齡不相下八月延齡  
差偽總兵緹成德下潯梧殺潯州知府劉灝還兵  
至象州以貴縣賊韋金麟象州賊覃鳴龍為總兵  
統獐兵謀襲柳州自窰埠至馬鹿山連營數里詭  
請假道雄佯許諾夜潛令軍士由西門渡伏於馬  
鹿山後九月朔黎明雄率兵至振柳營成德兵皆  
未食倉卒接戰連破兩營日中伏兵起成德兵大  
潰領殘兵漏夜奔象州是役也雄亦中冷箭貫腮  
幾死自是延齡亦不復窺柳州矣十月吳逆偽封



雄為廣西全省總管懷寧伯尋封公

十六年免本年分錢糧

十七年五月雄率大兵攻延齡於桂林相持三月  
九月吳世琮兵至誘延齡出斬之與雄兵合雄歸  
柳數日死仍以其子承蔭襲父職

十八年承蔭反正歸

本朝九月以承蔭為昭義將軍伯十二月承蔭兵未  
給餉偏將黃明等搆兵鼓譟承蔭不得已出私帑  
給之明等佯為解釋始定是月撫蠻將軍傅宏烈

率兵恢復駐懷遠板江村

十九年宏烈兵至柳承蔭誘執之復叛六月簡親  
王兵至封門峽總督金光祖提督哲爾肯鎮南將  
軍蟒吉圖等俱以兵會承蔭懼密遣人赴王營乞  
降且訴復叛之事為黃明治秉忠所逼王許之且  
令毋納在外兵黃明回至振柳營呼渡不應知已  
降遂走慶遠提督哲爾肯留軍守柳州九月獲秉  
忠於慶遠殺之明奔貴州追獲其妻子於古州明  
再奔土司上官庇之以他人首級獻復與其黨犯



靖州三省兵會勦平之

二十一年免馬平等七州縣並武宣縣征過銀米  
二十二年免十七年以前民欠錢糧稅銀及帶征  
錢糧

二十四年赦死罪軍罪以下

三十三年蠲免應徵地丁銀米

四十三年蠲免地丁各項錢糧

四十七年未經具題各案情真者俱停處決緩決  
者減等矜疑者俱照例發落

五十年全免應徵地丁銀並歷年舊欠俱免征

五十二年免審增丁銀雜派項款永行禁革鰥寡  
孤獨貧民無以為生者將各省積穀酌量賑濟

五十八年地方災傷已經察勘蠲免賦役

雍正元年免各年久民欠錢糧

二年令各州縣訓練民壯

三年定通省大小官員養廉提督韓良輔捐備牛  
隻農具令五營餘丁開墾馬平柳城二縣無主荒  
田佃給民人耕種陞科每年收租貯五營倉於青



黃丕接時借給兵食至乾隆八年約存穀一千二百餘石

四年巡撫金鉞以粵西荒土猶多

題請開捐時奉文勸墾議者欲加派額糧惟柳州賴知府錢元昌主持闔屬免派嗣於乾隆元年經巡撫楊超曾徹底清查凡加派者俱獲罪去

五年增鄉試五經中額二名始以隣省新中舉人進士為同考官至乾隆元年仍用本省科甲州縣六年叙攻勦八達寨陣亡遊擊趙君良及兵十六

柳州府志

卷之三十九

紀事

二十

名卹賞有差

七年設

恩錫當提標請領本銀一萬六千兩內分發平樂協全州營桂林營各二千兩慶遠協一千三百兩賓州營一千五百兩鬱林營四百兩融懷營五百兩永寧汛二百兩實存和順當銀六千一百兩遊委千把各一員書目十名管理每年獲息銀自一千二百兩至一千八百兩不等奉文每年以息銀一千七百兩分賞五營兵丁吉凶事故如有贏剩報



明充次年賞額

八年全蠲通省地丁銀三十五萬三千九百二十七兩有零 叙勦鄧橫陣亡把總華乾外委把總李世雄及兵三十名並勦古州逆苗陣亡兵十一名各卹賞有差

十一年給九股陣亡官兵七名賞卹銀兩

十三年廣西官兵會湖廣廣東雲貴四川兵征古州蠻始通古州運道古州界連懷遠自小江道梅寨沂流可直達地俱生苗商販裹足時粵兵進勦

柳州府志

卷之三十九

紀事

五

需米餉軍陸行涉險負重恐不繼天河知縣吳正一領運務偵知之毅然承舸犯險曲折而前苗人來役者輒勞以煙鹽皆踴躍願為導遂成孔道焉叙陣亡署把總蔣忠及官兵四十三名卹賞有差乾隆元年粵東委員告糴知府吳秉正以柳州駐大兵兼供古州兵食詳請停止採買從之 定州縣學教職各給八品俸荒仍補足並補各役食荒銀

二年給歲貢生旗匾銀兩

六月奉



上諭各省借出倉穀如地方本非歉歲祇因春月青黃不接循例借領者每石加息穀一斗若值歉收之年乏食貧民國家方賑卹撫綏之不遑所有借出倉穀至秋收還倉時止應完納正穀不應令其加息將此永著為例各省一體遵行 七月奉

上諭嗣後凡有蠲免俱以奉旨之日為始其奉旨以後部文未到之前有已輸在官者准作次年正賦永著為令

柳州府志

卷之三十九

紀事

三

三年五月奉

上諭嗣後着將被災五分之處亦准報災地方官查勘明確蠲免錢糧十分之一永著為例

五年五月義寧桑江蠻與楚徭勾結為亂提督譚行義率兵駐石村討平之 濬懷遠縣河道 叙桑江陣亡千總馮選外委把總廖定邦及官兵三十四名卹賞有差

七年正月復設柳州書院 革馬平縣現年里長當差



九年五月融縣山水陡發勘不成災  
十年增粵西省各官養廉共一萬兩  
十一年奉

上諭朕愛育黎元格外加恩將各省錢糧普免一次以  
為休養萬民之計經大臣籌酌議國家每年一定之  
經費皆取資於正賦應將各省分作三年蠲免則經  
費有賴而先後之間萬民均霑膏澤至於耗羨乃有  
司養廉及辦理公務之所必需應令照舊輸納朕已  
允行今思朕之逾格蠲免天下正賦者所以藏富於

柳州府志

卷之三十九

紀事

三

民且使閭閻之間終歲不聞催科之聲也今正賦既  
蠲而耗羨又令完納是官民仍有交關猶不免有追  
呼之擾莫若將蠲賦之年應徵耗羨一併緩至開徵  
之年按數完納使小民於交官之便完此些須不必  
兩次伺候於公廷亦體恤民情之意着交部即遵諭  
行並將公用不敷之處作何撥抵酌議辦理各省督  
撫當董率有司善為之勿因此又別生弊端也欽此  
二十八年九月十二日內閣奉

上諭據蘇昌等奏廣西象州瑤山地方七月初旬連日



大雨山水驟發大樟等村莊廬舍間有被淹撫臣馮  
鈐已前往查勘撫綏並稱所傷田禾無幾勘不成災  
毋庸再予賑恤等語今歲粵西早稻豐收晚禾亦俱  
長發象州一隅被水雖據該督撫查明所傷田禾無  
幾實不成災但倉猝被水之後小民口食未免拮据  
除已照例撫綏外如有貧乏不能自存之戶仍查明  
加恩賑恤務俾得所并將本年應徵糧賦酌量情形  
分別緩徵副朕軫念邊氓至意該部遵諭速行欽此